

Warga emas kerah keringat tampung perbelanjaan isteri terlantar sakit

SUNGAI SIPUT (U) - Berat mata memandang, berat lagi bahu memikul. Mungkin itu perumpamaan tepat menggambarkan kehidupan Bahari Kechik, 64, dan keluarganya di Kampung Sungai Bendang, di sini.

Bukan saja perlu memberi perhatian menjaga isterinya yang sakit malah anaknya juga terpaksa berhenti sekolah untuk menjaga ibunya, Rosziana Romly, 37.

Menurut Bahari, isterinya mengalami komplikasi sewaktu melahirkan anak keempat mereka pada Oktober lepas menyebabkannya kini hanya mampu terbaring sepanjang hari.

Lebih menyedihkan, keadaan mereka membolehkan Bahari terpaksa menyerahkan anak bongsu mereka yang baru dilahirkan kepada kakak iparnya kerana dia tidak mampu menjaganya.

"Saya kerja kutip buah sawit, dalam sehari dapatlah RM20 ke RM30. Memang tak cukup untuk tanggung ke-



uarga apatah lagi susu khas untuk isteri saya saja berharga RM45.

"Itu pun bertahan tak sampai seminggu. Selain susu, saya perlu juga beli lampin pakai buang sebab dia memang tak boleh bergerak. Kos untuk semua itu agak tinggi.

"Saya dapat bantuan JKM sebanyak RM300 tapi masih tak cukup. Itu sebabnya walaupun sudah berusia saya perlu bekerja untuk tampung keluarga," katanya.

Bahari berkata, dia buntu mengenangkan nasib keluarganya lebih-lebih lagi memikirkan anak sulungnya, Norsyakila Bahari, 16, yang kini tidak bersekolah kerana menjaga ibunya.



Bahari buntu memikirkan nasibnya dan keluarga yang dihimpit kemiskinan.

"Sebelum ini, beberapa minggu sebelum bersalin isteri saya kena sawan, dia koma selama 20 hari. Sebab itu, dia perlu melahirkan anak lebih awal melalui pembedahan.

"Lepas pembedahan,

dia koma lagi lebih sebulan. Sebaik sedar, dia tak dapat bercakap dengan baik, tak dapat berdiri atau duduk seperti biasa menyebabkan anak sulung perlu menjaganya sepanjang masa.

"Bila saya kerja, Norsyakila akan jaga ibunya. Itu saja yang mampu kami buat. Kalau saya tak kerja, macam mana saya nak tanggung keluarga, semua harus berkorban se-kurang," katanya sedih.

INFO Orang ramai yang ingin membantu boleh menghubungi talian 013-5315889 (Bahari Kechik) atau menyalurkan sumbangan ke akaun bank 08901-29-00017826-5 (Bank Simpanan Nasional atas nama Bahari Kechik)

Tambahnya, mujud saudara terdekat banyak membantu mereka, namun jika difikirkan kembali sampai bila mereka sekeluarga perlu bergantung harap kepada mereka sedangkan mereka juga tidak berkemampuan.

"Rumah yang kami duduk sekarang dibina abang ipar saya.

"Cukuplah untuk jadi tempat kami sekeluarga berteduh. Di sinilah kami teruskan hidup kami, biar pun perit kami gagahkan juga," katanya